

## সার্ক উইমেন এসোসিয়েশন কর্তৃক অ্যাওয়ার্ড অফ এক্সিলেন্স অর্জন



৯ মার্চ, ২০২৪ তারিখ রাজধানীর গুলশানে আন্তর্জাতিক নারী দিবস উপলক্ষে সার্ক উইমেন এসোসিয়েশন কর্তৃক আয়োজিত অনুষ্ঠানে শক্তি ফাউন্ডেশন এর প্রতিষ্ঠাতা ও নির্বাহী পরিচালক হুমায়রা ইসলাম, পিএইচডি কে সম্মাননা প্রদান করা হয়। আরবান মাইক্রোফাইন্যাসে অনুপ্রেরণাদাত্রী নারী হিসেবে "অ্যাওয়ার্ড অফ এক্সিলেন্স" প্রদান করা হয়। শক্তি পরিবারের সকলে এই অর্জনে অত্যন্ত আনন্দিত এবং গর্বিত।

## শক্তি ফুটবল টুর্নামেন্ট ২০২৪ এর ফাইনাল অনুষ্ঠিত



জমবে খেলা এবার মাঠে- গত ৯ মার্চ ২০২৪ তারিখ শক্তি ফুটবল টুর্নামেন্ট ২০২৪ এর ফাইনাল অনুষ্ঠিত হয়। উক্ত টুর্নামেন্টে সর্বজন শ্রদ্ধেয় শক্তি ফাউন্ডেশনের প্রতিষ্ঠাতা ও নির্বাহী পরিচালক হুমায়রা ইসলাম, পিএইচডি উপস্থিত থেকে সবাইকে উৎসাহ ও অনুপ্রেরণা প্রদান করেন। টাঙ্গাইল ও মুসীগঞ্জ এবং মৌলভীবাজার ও চট্টগ্রাম নর্থ-সাউথ এর মধ্যে অনুষ্ঠিত ২টি সেমিফাইনাল ম্যাচের বিজয়ী টাঙ্গাইল রিজিওন এবং চট্টগ্রাম নর্থ-সাউথ রিজিওনের মধ্যে ফাইনাল ম্যাচ অনুষ্ঠিত হয়। তীব্র প্রতিদ্বন্দ্বিতার মধ্যে অনুষ্ঠিত ফাইনালে ম্যাচে চট্টগ্রাম নর্থ-সাউথ ১-০ গোলে জয়ী হয়ে শক্তি ফুটবল টুর্নামেন্ট ২০২৪ এর চ্যাম্পিয়ন হন। এছাড়াও হেড অফিস পর্যায়ে জাগরণ এবং অগ্রসর দলের মধ্যে অনুষ্ঠিত ম্যাচে জাগরণ দল ৪-০ গোলে জয়ী হয়ে চ্যাম্পিয়ন হন। মাঠ পর্যায়ে চ্যাম্পিয়ন দলের হাতে পুরস্কার তুলে দেন শক্তি ফাউন্ডেশনের সাধারণ পরিষদের সম্মানিত সদস্য প্রাক্তন প্রধান বিচারপতি মোঃ তাফাজাল ইসলাম এবং উপ-নির্বাহী পরিচালক ইমরান আহমেদ। এছাড়া অন্যান্য বিজয়ীদের হাতে পুরস্কার তুলে দেন সংস্থার সিনিয়র ম্যানেজমেন্টের কর্মকর্তাবৃন্দ।

## জাতির জনক বঙ্গবন্ধু শেখ মুজিবুর রহমানের জন্ম দিবস ও জাতীয় শিশু দিবস উদযাপন



১৭ মার্চ, ২০২৪ স্বাধীনতার মহান স্তুপতি, জাতির জনক বঙ্গবন্ধু শেখ মুজিবুর রহমানের জন্ম দিবস ও জাতীয় শিশু দিবস উপলক্ষে মাইক্রোক্রেডিট রেণ্ডলেটোরী অথরিটি (এমআরএ) এর এক্সিকিউটিভ ভাইস চেয়ারম্যান জনাব মো: ফসিউল্লাহ এর নেতৃত্বে শন্দাঙ্গলী জানাতে ধানমন্ডি ৩২ নম্বর সড়কে বঙ্গবন্ধুর প্রতিকৃতিতে পুষ্পস্তবক অর্পণ করেন শক্তি ফাউন্ডেশনের প্রধান কার্যালয়ের কর্মকর্তাবৃন্দ। এছাড়াও গোপালগঞ্জের টুঙ্গিপাড়ায় বঙ্গবন্ধুর সমাধিতে পুষ্পস্তবক অর্পণের মাধ্যমে গভীর শন্দা নিবেদন করেন শক্তি ফাউন্ডেশনের গোপালগঞ্জ সদর এবং কোটালীপাড়া শাখার কর্মীবৃন্দ।

## পবিত্র মাহে রমজান উপলক্ষে পথচারী এবং দরিদ্র মানুষের মাঝে ইফতার বিতরণ



প্রতি বছরের ন্যায় এই বছরের রমজানে শক্তি ফাউন্ডেশন এর পক্ষ থেকে ইফতার বিতরণ কর্মসূচি গ্রহণ করা হয়। রমজান মাসের প্রথম দিন থেকেই পথচারী এবং দরিদ্র মানুষের মাঝে বিনামূল্যে এই ইফতার বিতরণ করা হয়।

## টেবিল টেনিস টুর্নামেন্ট ২০২৪



শক্তি ফাউন্ডেশনের প্রধান কার্যালয়ের নারী কর্মীদের জন্য প্রথমবারের মতো আয়োজিত হলো টেবিল টেনিস টুর্নামেন্ট। সিঙ্গেল এবং ডাবল এই দুটি ক্যাটাগরীতে মোট ১৬ জন খেলোয়ার অংশগ্রহণ করেন। ৯ মার্চ ২০২৪ তারিখ অনুষ্ঠিত ফাইনাল ম্যাচে সিঙ্গেল ক্যাটাগরীতে চ্যাম্পিয়ন হন আইটি ডিপার্টমেন্টের শামা হাসনিন নায়ার এবং দ্বিতীয় ক্যাটাগরীতে চ্যাম্পিয়ন হন আইটি ডিপার্টমেন্টের শামা হাসনিন নায়ার এবং নুসমা খান।

## আন্তর্জাতিক নারী দিবস ২০২৪ উদযাপন



৮ মার্চ ২০২৪ তারিখ আন্তর্জাতিক নারী দিবস পালিত হয়। এই বছর নারী দিবসের মূল প্রতিপাদ্য ছিল “নারীর সুরক্ষায় বিনিয়োগ বৃদ্ধি করুন”। শক্তি ফাউন্ডেশন নেটওয়ার্ক সংস্থার সাথে একত্রিত হয়ে ৫ মার্চ এবং ৮ মার্চ নারী দিবস উদযাপন করে। এর পাশাপাশি অনুষ্ঠিত র্যালিতে অংশগ্রহণ করে।

## আন্তর্জাতিক নারী দিবস উপলক্ষে শক্তি ফাউন্ডেশন এর পক্ষ থেকে ঢাকা-ফ্লো তে বৃক্ষ রোপণ

আন্তর্জাতিক নারী দিবস উপলক্ষে ৮-৯ মার্চ ২০২৪ তারিখ ঢাকা ফ্লো এবং বারিধারা সোসাইটি যৌথভাবে "ইস্পায়ার হার ওয়েলনেস" শিরোনামে দুই দিনব্যাপী উৎসবের আয়োজন করে। শক্তি ফাউন্ডেশন এই উৎসবের জন্য চিরহরিৎ, সুগন্ধিযুক্ত এবং আয়ুর্বেদিক গুনসম্পন্ন বকুল গাছ (Mimusops elengi) প্রদান করে। গণপ্রজাতন্ত্রী বাংলাদেশ সরকারের বিদ্যুৎ, জ্বালানি ও খনিজ সম্পদ মন্ত্রণালয়ের মাননীয় প্রতিমন্ত্রী নসরুল হামিদ, এমপি একটি বকুল গাছ রোপণ করেন।



গণপ্রজাতন্ত্রী বাংলাদেশ সরকারের বিদ্যুৎ, জ্বালানি ও খনিজ সম্পদ মন্ত্রণালয়ের মাননীয় প্রতিমন্ত্রী নসরুল হামিদ, এমপি একটি বকুল গাছ রোপণ করেন। উৎসবের সমাপনী অনুষ্ঠানে ঢাকা উত্তর সিটি কর্পোরেশনের (ডিএনসিসি) মাননীয় মেয়ের মোঃ আতিকুল ইসলাম ও একটি বকুল গাছ রোপন করেন। উক্ত অনুষ্ঠানে উপস্থিত ছিলেন শক্তি ফাউন্ডেশনের উপ-নির্বাহী পরিচালক ইমরান আহমেদ, ঢাকা ফ্লো-এর সিইও ও প্রতিষ্ঠাতা সাজিয়া ওমর, বারিধারা সোসাইটির সভাপতি ফিরোজ এম হাসান।

## গুলশান লেক পরিচ্ছন্নতা কর্মসূচিতে অংশগ্রহণ করলো শক্তি ফাউন্ডেশন



১৬ মার্চ ২০২৪ তারিখ, ঢাকা উত্তর সিটি কর্পোরেশন এবং গুলশান সোসাইটির উদ্যোগে আয়োজিত গুলশান লেক পরিচ্ছন্নতা কর্মসূচিতে সক্রিয় অংশগ্রহণ করে শক্তি ফাউন্ডেশন।

## আগুনে ক্ষতিগ্রস্ত সদস্যদের পাশে শক্তি ফাউন্ডেশন



গত ২৪ মার্চ ২০২৪ তারিখ, রাতে চট্টগ্রাম জেলার পাটিয়া উপজেলার মধ্যকার শোসাং পাড়ায় শক্তি ফাউন্ডেশনের ৬ জন সদস্যের ঘড়বাড়ি সহ সমস্ত কিছু আগুনে পুড়ে ক্ষতিগ্রস্ত হয়। অত্র এলাকার মেম্বারসহ গণমান্য ব্যক্তিবর্গ এবং শক্তি ফাউন্ডেশনের কর্মকর্তাদের উপস্থিতিতে, ক্ষতিগ্রস্ত সদস্যের পরিবারকে শক্তি ফাউন্ডেশনের পক্ষ থেকে ঘর নির্মাণের জন্য ২ বান করে তিনি প্রদান করা হয়।

## জাতির পিতা বঙ্গবন্ধু শেখ মুজিবুর রহমানের জন্মদিন ও জাতীয় শিশু দিবস উপলক্ষে কমিউনিটি আউটরিচ কর্মসূচি



১৮ মার্চ ২০২৪ তারিখ, জাতির পিতা বঙ্গবন্ধু শেখ মুজিবুর রহমানের জন্মদিন ও জাতীয় শিশু দিবস স্মরণে রাজশাহী নগরীর বাজে কাজলা, মতিহার এলাকার রাজশাহী বুদ্ধি প্রতিবন্ধী ও অটিস্টিক স্কুলে কমিউনিটি আউটরিচ কর্মসূচির আয়োজন করা হয়। এই কর্মসূচির আওতায় বিদ্যালয়ের ৬০ টিরও বেশি বিশেষ চাহিদা সম্পন্ন ছাত্রছাত্রী এবং তাদের অভিভাবক ও শিক্ষকদের জন্য দিনব্যাপী স্বাস্থ্য ক্যাম্পের আয়োজন করা হয়। এর পাশাপাশি শিক্ষার্থীদের প্রয়োজনীয় ওষুধ, নতুন স্কুল ইউনিফর্ম, পড়ার টেবিল ও চেয়ার প্রদান করা হয়। অনুষ্ঠানে প্রধান অতিথি হিসেবে উপস্থিত ছিলেন স্বাস্থ্য ও জনসংখ্যা বিষয়ক উপ-কমিটির সম্মানিত সদস্য ডাঃ আনিকা ফারিহা জামান অর্ণ। অনুষ্ঠানে রাজশাহী সিটি কর্পোরেশনের প্রধান কমিউনিটি উন্নয়ন কর্মকর্তা আজিজুর রহমান, পরিবেশ উন্নয়ন কর্মকর্তা সৈয়দ মাহমুদুর রহমান, রাজশাহী বুদ্ধি প্রতিবন্ধী ও অটিস্টিক স্কুলের প্রধান শিক্ষিকা জানাতুল নাহার আভাসহ শক্তি ফাউন্ডেশনের প্রতিনিধিরা উপস্থিত ছিলেন।



## মহান স্বাধীনতা দিবস উপলক্ষে বৃদ্ধাশ্রমে ঈদের পোষাক এবং পানির ফিল্টার প্রদান




বাংলাদেশের ৫৩ তম স্বাধীনতা দিবস উপলক্ষে ২৭ মার্চ, ২০২৪ তারিখ ঢাকার উত্তরখানের মৈনারটেকে অবস্থিত “আপন নিবাস” বৃদ্ধাশ্রমে কমিউনিটি আউটরিচ প্রোগ্রামের আয়োজন করলো শক্তি ফাউন্ডেশন। ব্রিটিশ হাইকমিশনের সহায়তায় আয়োজিত এই অনুষ্ঠানে বৃদ্ধাশ্রমে বসবাসরত ৮৬ জনকে ঈদের পোষাক প্রদানের পাশাপাশি সুপেয় পানির ফিল্টারসহ সোলার ব্যাটারি প্রদান করা হয়। উক্ত অনুষ্ঠানে প্রধান অতিথি হিসেবে উপস্থিত ছিলেন ব্রিটিশ হাইকমিশনের জনাব মারজান নূর, ক্লাইমেট চেঙ্গ পলিসি ম্যানেজার। এছাড়া উপস্থিত ছিলেন আপন নিবাস বৃদ্ধাশ্রমের প্রতিষ্ঠাতা ও নির্বাহী পরিচালক মিসেস সৈয়দা সেলিমা শেলীসহ শক্তি ফাউন্ডেশনের অন্যান্য কর্মকর্তাবৃন্দ।

## মহান স্বাধীনতা দিবস উপলক্ষে বিশেষ চক্ষু ক্যাম্প অনুষ্ঠিত



শক্তি হেলথ প্রোগ্রামের আওতায় গত মার্চ ২০২৪ এ রাঙ্গামাটির লিচুবাগান, গাজীপুর বোর্ড বাজার, কক্রবাজার মহেশখালি, চাঁপুর মতলব, টঙ্গী, নরসংদীর চালাকচর, মুঙ্গিগঞ্জের শ্রীনগর, রাজশাহীর পুর্ণিয়া, বগুড়া, ময়মনসিংহ, জামালপুরের নান্দিনা এবং খুলনাসহ ১২টি স্থানে ফ্রি আই ক্যাম্পের আয়োজন করা হয়। উক্ত ক্যাম্পে চক্ষু বিশেষজ্ঞ চিকিৎসক দ্বারা শক্তির সদস্য ও তার পরিবারের সদস্যদের পাশাপাশি অত্র এলাকার সাধারণ জনগণসহ প্রায় ১৪০০ জনকে ফ্রি চক্ষু চিকিৎসা সেবা প্রদান করা হয়। এর পাশাপাশি উক্ত ক্যাম্পে ফ্রি ডায়াবেটিস টেস্ট, হিমোগ্লোবিন টেস্ট, প্রয়োজনীয় ঔষধসহ চশমা প্রদান করা হয়। উল্লেখ্য, যে সকল সদস্যদের চোখে ছানি চিহ্নিত হয়েছে, সংস্থা কর্তৃক তাদের বিনা খরচে ছানি অপারেশন করার উদ্যোগ গ্রহণ করা হয়।

## এক নজরে শক্তি (মার্চ ৩১, ২০২৪)



প্রধান কার্যালয়  
শক্তি ভবন, বাড়ি নং-০৪,  
রোড নং-০১, ব্লক-এ, সেকশন-১১  
মিরপুর, ঢাকা - ১২১৬



+৮৮ ০৯৬১৩-৮৮৮১১১  
+৮৮ ০২-৫৮০৫২০৩১  
+৮৮ ০১৮১৯৮৫০১৪৮

[www.shakti.org.bd](http://shakti.org.bd)  
[/SFDWbd](#)  
[/company/sfdwbd](#)